

# Maererano nezve Islam

Islam chitendero chakagara chiripo uye inzira yehupenyu yakakwana. Inokurudzira kuti munhu ave anopa kodzero chaiyo pahukama hwake neMusiki (Mwari). Inodzidzisa zvakare kuti munhu anofanira kutsvaka mufaro chaiwo wekupedzisira pamwe nerunyararo zvichiburikidza nekuva pedyo kwake naMwari, kutevera gwara rake uye nekuita mabasa akanaka.

MaMuslims, vanokwana kuita chikamu chimwe muchishanu kubva

pahuwandu hwevanhu pasi rose, izvo zvinoita kuti Islam inzi imwe yezviten dero zvikuru. Kutenda uye nekushumira kuna Mwari mumwechete wechokwadi ndicho chinangwa chehupenyu uye ndiwo musimbote we Islam.

'Islam' izwi rechi Arabhu rinoreva kuzvipira kuna Mwari ari oga wechokwadi.

Munhu anozvipira muzvido zvake zvose kuna Mwari iyeye anonzi muMuslim uye anokwanisa kuva werudzi rupi zvaro.

## Yekutenda Misimbote mitanhatu

### 1. Kutenda muna Allah (Mwari):

"Allah" izita rechi Arabhu rinoreva Mwari Mumwechete wechokwadi. Allah havana murwisi, kana mubatsiri, kana akafanana navo, kunyange vana kana vabereki. Haana kufanana nezvesikwa zvake, sezvo hapana zvinogoverana navo pahumwari hwavo kana pachimiro chavo. Mamwe emazita avo nechimiro chavo anosanganisira: Musiki, WeNyasha zhinji, Wekumusoro soro, Samasimba, Muyanani, Mungwaru, Mupi weraramo, uye Muzivi wezvose.

Ndiye Musiki neMupi weraramo kuzvisikwa zvose. Ndiye akatipa makomborero asinga verengeke, somufananidzo; nhengo dzatakapiwa dzokunzwa, kuona, kana kufunga nadzo, uye nekuba tinokwanisa kufamba, kutaura nekuita zvinhu zvine pundutso. Naizvozvo tinofanira kuzviga-muchira nekutenda uyewo nekushumira iye Mwari woga zvichiburidza nekutevera dzidziso dzake.

Mhedzisiro chaiyo inofanira kuva yekuti, Nyika ino yakadai kubatana uye yakaenderana haingakwanise kupapo kunze kwekutoti pane Samasimba ane Hungwaru akaita kuti ivepo. Naizvozvo hadzisi pfungwa dzakarurama kana munhu achitenda kuti nyika yakazvisika yoga, kana kuti pane chiitiko chakangoitika yakabva yavapo.

### 2. Kutenda muNgirozi:

Ngirozi dzakasiyana kubva pamwenje, uye dzine mabasa adzakapiwa uye hadzikwanise kusateerera Musiki wadzo. Zvishinji maererano nedzimwa dzacho zvakatotaurwa, zvakanana neNgirozi inonzi: Gabrieli iyo yaienda nemashoko aAllah kune Vatumwa, uyewo neNgirozi yerufu iyo inebasa rekutora mweya yevanhu.

### 3. Kutenda mumabhuku akadzikiswa:

Allah akatumira magwaro anoera kuVatumwa vake ari segwara uye nenyasha kuvanhu. Mabhuku aya, anosanganisira Tora neVhangeri akatumirwa kuna Moses naJesu, uyewo neKorani rakatumirwa kuna Muhammad (Rugare Ngaruve Kwavari vose).

Korani ndiri shoko chairo raAllah uye riri gwaro rekupedzisira rakatumirwa kuvanhu vose. Kune zviratidzo zvakanana uye minana yakawanda inoratidza kuti rakabva kuna Allah, mimwe yemifananidzo yacho inosanganisira:

\* Mashoko epasi rose, akanyorova uye matsvene anokurudzira munhu kuti abatisise kutenda kwemusiyiranwa kuna Mwari oga.

\* Mutauro woga unozivikanwa pasi rose sedzinde remutauro chaiwo wechiArabhu

uye nekutapira kwawo. Naizvozvo tinoona kuti Korani iri rakazarurirwa kuna Muporofita Muhammad (Rugare Ngaruve Kwaari) uyo aizivikanwa nenhorondo kuti akange asina kudzidza.

\* Ongororo zhinji dze Science dzakaongororwa ikozvino, iro Korani rakataura kare nezvazvo kwemakore anodarika 1400.

\* Kuchengetedzwa kwaro kubvira pa izwi roga roga, sezvo rakadzikiswa nemutauro waro chaiwo wechiArabhu, izvo zvinopesana nemamwe magwaro ayo akakanganiswa, kuchinjirwa kana kurasika.

Tsanangudzo yakakura maererano nepfungwa yeminana ye-Korani ndeye kuti rinokwanisa chete kuva shoko rinobva kuna Mwari. Richisanganisira nenhouru uye mabasa aMuporofita Muhammad (Rugare Ngaruve Kwaari) ndivo mavambo edzidziso yeIslam.

### 4. Kutenda muVaporofita:

MaMuslim vanotenda kuti Mwari vakatumira zviuru nezviuru zveMaporofita, zvichireva kuti rudzi nerudzi rwaka tumirwawo mumwechete, kuzoparidzira shoko raMwari. Vaporofita ava vanosanganisira Adhamu, Noah, Abrahamu, Davidi, Josefa, Mosesi, Jesu uye Muhammad (Rugare Ngaruve kwavari vose). Vakatumwa kuzodzora vanhu kuti vave vanoshumira Mwari Mumwechete chete wechokwadi, kuva semifananidzo chaiyo pakuteerera Mwari, uye ku.

tungamirira vanhu kunzira yeruponeso. Vaporofita ivavo havana mugowo wavainavo pahuMwari, nokudaro munamato uchaitwa kune mumwechete weVatumwa ivavo, kana kuti uchaitwa kuna Mwari kuburikidza neVatumwa ivavo haubvumirwe zvachose uye kutyora kodzero dzaivo Mwari dzokuti vanofanira kunamatwa ivo vari voga

### - Muporofita Jesu:

MaMuslim vanotenda kuti Jesu akange ari Muporofita anoremekedzwa waMwari, akazvarwa nenzira yemunana na amai vake Mhandara yainzi Maria. Akaita minana yakawanda chairo nemvumo yaMwari, iyo yakafanana nekuponeso varwere, kuonesa mapofu, uye kutaura kwake ari kacheche achidzivirira amai vake kubva pamhosva yavaipomerwa. Haatorwe semwanakomana wa Mwari, kana kuva mumwe pahutatu hwaMwari, uye haana kana mugowo waainawo pachimiro chaMwari.

*Mwari vanoti: "hazvifanire kuti Mwari ave nemwanakomana, kuremekedzeka ndekwake, akada kupa mutongo, anongoti 'Ngachiitike' chinobva changoitika ..." Korani 19:35.*

### - Muporofita Muhammad:

Muporofita Muhammad (Rugare Ngaruve Kwaari) ndiye Muporofita wekupedzisira akatumwa kune vanhu vose zvavo. Akauya neKorani kuzoratidza maitirwo idzidziso dzaro, uye akava mufananidzo wakakwana wemunhu anovimbika, anoyananisa, ane tsitsi nenyasha, anotaura chokwadi uye akashinga. Zvakango fanana naJesu, maMuslim havanamate Muhammad.

### 5. Kutenda muzuva rekutongwa:

Zuva rekutongwa chiitiko chichaitika apo mumwe nemumwe wedu achamira pamberi peMusiki wedu, achitubvunza maererano nezvemabasa

edu akanaka uye neakaipa, naizvozvo basa rose ratakaita ringave riri diki zvakaita sei richabvunzwa nezvaro.

Pazuva guru iri, Mwari, Muyanani, vachatonga nyaya dzose zvakarurama, hapana munhu achatadzirwa. Kodzero dzose dzichadzorerwa kuvaridzi vadzo, Vachaenzanise pakutonga kwavo apo vachazopa mubairo weParadhisu kana kuti rushamhu rweGehena.

### 6. Kutenda muhurongwa hwaMwari:

Allah vanoziva zvose zvakaiteka kare, zvirikitika ikozvino, uye izvo zvirichaitika mberi. Mwari vanemasimba pane zvinhu zvose – hapana chinotika vasina ruzivo nezvacho kana kuchibvumira.

Munhu akapauwa sarudzo kuti agova anozvisarudzira pakati pezvakanaka nezvakaipa, uye Mwari vanozotonga maererano nesarudzo yemunhu. Iyo sarudzo yakapauwa munhu haipesane zvachose nepfungwa yekuti zvinhu zvinongoitika chete neruzivo rwaMwari uye nemvumo wake. Uye hazvireve kuti simba raMwari pane zvinhu zvose rinodzivirira kana kuganhura sarudzo yevanhu. Ruzivo rwaMwari pasarudzo yevanhu hapasireve kuti varikumanikidzirwa kuita sarudzo yavo iyoyo, Mwari kazhinji havafarire zvose zvanenge vabvumira kuti zviitike.

Chiratidzo chikuru chelIslam pakusiyana kwacho nezvimwe zvitendero ndechekuti: Zita racho haribvi pane munhu kana rudzi

Mumwe munana we-Korani ndewekuti harina kupokana mukati maro kana pakakanganiswa

Kana pasina zuva rekutongwa hupenyu hunenge husina kuenzanisa sezvo havazi vose vanowana ruenzaniso panyika ino

# Eku Shumira

Mapango mashanu Rusvingo rwehupenyu wemuMuslim

## 1. Mhiko yekutenda:

Mhiko yekutenda iyi, kupa uchapupu kuti hapana wandichanamata pachokwadi kunze kwaAllah, uye kuti Muhamamad Mutumwa wake. Izvi zvinofanira kubva mumwoyo wakagutsikana uine kutenda kwakadzama, zvichiteverwa nemabasa. Nemhiko iyi, munhu anoramba vanamwari vose vemanepo, uye achitsigira kuti Allah ndivo Mwari chete vanofanira kunamatwa pachokwadi, uye achigamuchira Mutumwa wake wekupedzisira, naizvozvo anobva ava muMuslim.

## 2. Minamoto mishanu pazuva:

Munamoto unoumba hukama pahunhu nepamweya pakati pemaMuslim neMusiki wavo. Uye iyeuchidzo yenguva dzose inoyambira nezvemabasa emunhu ekuteerera Allah.

Munamoto woga woga unotora nguva shomanana chaizvo, uchisan ganisira kuverengwa kwendima dzemuKorani, kunyengetera, kurumbidza Allah uye nemaitiro akati kuti. Pakugadzirira munamoto, MuMuslim ane nhengo dzemuwiri wake dzaanoshambidza dzakafanana nezvisvo uye nemaoko, kunova kuri kuzadzisa kushambidzika kwemweya nemuwiri.

Minamoto mishanu inomanikidzirwa panguva yemambakwedza, Masikati, madeko, zuva richangonyura, uye husiku pazuva roga

## 3. Zvipo zvevarombo pagore:

Chipo chevarombo pagore chinomanikidzirwa kune mu-Muslim anenge akwanisa zvinodiwa zvakafanana nekuba nehupfumi hunenge hwadarika pachikamu chakatarwa.

Zvikamu zviviri nechidimbu kubva muzana, kubva pahupfumi wemunhu zvinopiwa kune avo vanofanira kupiwa vakafanana nevanotambura, avo vanoda rubatsiro, kunyange avo vane zvikereti. Chipa ichi chinochenura hupfumi hwemunhu uye chiine zvinhu zvakanwanda zvinobatsira mupi uye mutambiri. Rubatsiro rumwe nderwekuti chipa ichi chinodzora gwanza riri pakati pevapfumi nevarombo, izvo zvinaita kuti munhu wese akwanise kuwana ndaramo.

## 4. Kutsanya pagore:

Gore roga roga mumwedzi weRamadhan, maMuslim vanotsanya kubva panguva yemambakwedza kudzamara zuva ranyura, apo vanozvinyima zvekudya, zvekunwa, uye vasinga sangani pabonde. Izvozvo zvinochenura mweya, zvichidzidzisa kutsungirira uye zvichibatsira zvikuru pahutano.

Mwedzi weRamadhan mwedzi wepfumbamwe pakarenda re Islam/Mwedzi weRamadhan mwedzi wepfumbamwe pakarenda re Islam

## 5. Kushanya:

Vashanyi vose vanopfi-ka zvakanana uye zvirinyore izvo zvinobvisa pamunhu nyaya yechinzvimbo nerudzi kuitira kuti vave vakaenzana pamberi paAllah

Kushanyira guta rinoera reMakkah, munyika ye-Saudi Arabia, irwendo runofanirwa kuitwa nemuMuslim kamwechete pahupenyu hwake, ndokunge aine hutano uye nehupfumi.

Rwendo urwu runoitika gore roga roga mumwedzi wegumi nemiviri pakarenda rechi Islam, ruchibataniidza vanhu vose kubvira kumarudzi, zvinzvimbo uye nemakore, apo vanosangana vose mukusumira Mwari mumwechete wechokwadi.

Rwendo runokosha urwu runosanganisira zvakanwanda zvakanana nezvipiriso, kushanya, nekunamata munzvimbo dzinoera dzakasiyana-siyana. Kuita zvakanwanda kunosandura hupenyu, uye zvichinipisa munhu, zvichiita kuti vave vanhu vanotsungirira uye vanotenda.

## Kushumira

Pfungwa ye Basa rose rinofadza Allah

Pfungwa yeKushumira yeIslam haigumiri badzi pamapango mashanu. Kushumira izwi rinosanganisira mabasa ose anoitwa anofadza Mwari. Mabasa anoitwa nemunhu zuva roga roga anokwanisa kutorwa seKushumira Mwari kana munhu amaita akachenura chinangwa chake nekuba nechokwadi chokuti basa raarikuira rinoenderana nezvinodiwa naMwari. Mimwe yemifananidzo yacho inosanganisira kunyemwerera, kuva munhu akanaka kune muvakidzani wako, kuva nerutsigiro kumhuri yake, kuvimbika, kunyange kubvisa marara munzira. Zvinofanira kuzivakanwa kuti Allah havadi minamoto yaani naani wedu, asi kuti isu ndisu tinoda Allah, uye minamoto yedu inobatsira isusu.

## MHEDZISIRO

Dzidziso dzataurwa pamusoro maererano nokutenda uye nemabasa ekushumira zvinoumba kukosha kweIslam. Kana dzikateedzerwa, Islam inozadzisa zvipo zvevanhu zvepamweya, pamuwiri, papfungwa uye nemuchita, uye inzira yohupenyu inoteedzereka yakakwana. Pamusoro pezvo, Ndiyo chete nzira yehupenyu inotambirwa naMwari, uye ndiyo nzira chete inotungamirira kuhupenyu usingaperi hweku Paradhiso.

"Kune wese achaita mabasa matsvene, mukadzi kana murume, iye ari mutendi, chokwadi tichaita kuti ave anorarama hupenyu hwakanaka, uye chokwadi tichavapa mibairo yavo [pahupenyu hwemangwana] zvichienderana nemashindiro avaita ..." Korani 16:97

### For More Information, Contact:

Name: Supreme Muslim Council of Zimbabwe  
Address: Std No.19280 Unit N, Seke, Chitungwiza, Zimbabwe  
Phone: 00263772686584

Name: Direct Aid - Africa Muslim Agency  
Address: 40 Greendale Avenue, Greendale, Harare, Zimbabwe  
phone: 002634498345

# Maererano nezve Islam

## Nhanganyaya Muchidimbu

Dzidza zvidzidzo  
Zvemavambo